



La Val Badia castighëia a dovëi le La Val tla secunda pert dla partida.

Tl pröm derby ladin por La Val cuntra la formaziun dla Val Badia, castigheia chësta ultima a dovëi i ghesc tl secundo tēmp y fej balé bëgn cater iadi la rëi aversara. La buna prestaziun dl La Val dla prüma pert se destüda ia do la palsa, i aversars anuzëia insciö la deblëza por mët al sigü la prüma devënta.

Al 10[^] preparëia Alex E. la trata dal ciantun por Micky che se presentëia sú dan porta, süa trata é indere massa alta y röia sura porta fora. Püc menüc plö tert anuzëia le capitan dla VB Matthias Stampfer l'incomprenschiun anter le mezcamp y la defenjiun dl La Val por antizipé le palé y jí sú cuntra porta, la trata röia indere de püch dlungia ia. Al 30[^] ti töl le capitan dl La Val

Stefan le palé amez ciamp y pro la trata dal limit, le verda porta René mess se destrà por deloj te ciantun. Atira la gran ocajiun por le La Val: Michele preparëia amez en bel palé, Stefan rōia ala trata bassa che rebat indere cuntra la stangia de porta. En aversar por tramres formaziuns è dessigü ince la vent sterch, che condüj le palé te vigni direziun.

Cun le dopl sciür dl'arbitr se rōia le prüm tēmp sōn le 0-0.

Tla secunda pert passa le sceter dla partida tles mans dla Val Badia, cun deplö determinaziun rōia i sogadus te ciamp a mēt sot a presciun la formaziun di ghesch. Bele al 50[^] le vantaje: Sōn trata dal ciantun vëgn le sogadú Lorenzini lascé sú y à ma plö bria de apogé le palé cun le ce te porta. Püch plö tert al 60[^] é la puniziun dl capitán Stampfer dal ciantun dl'area indirizada cuntra le pé lunch de porta, le palé nia antizipé rōia insciö te rēi. Le La Val se stēnta a se sbloché y i padruns anuzëia ciamó la deblēza por aumenté le vantaje: al 80[^] rōia le palé arlungé sōn le pé dl'atacant Schrott che pó jí sú cuntra porta, la trata bassa sot i pisc de Sepl i scinca le terzo gol che ti taia les giames al La Val. Le cuarto y ultim gol al 90[^]: le palé preparé amez vëgn rebatü te porta da Lorenzini che sighlëia insciö sūa doplëta. En derby da desmentié por La Val che mēss ciaré de tra fora i punc pro les ultimes partidas por ne resté nia zeruch.

Val Badia – La Val 4-0

Formaziun La Val: 1. Sepl Kantioler, 2. Christian Terza, 3. Egon Frenes, 4. Paolo Vallazza, 5. Marco Castlunger, 6. Christian Dapoz, 7. Michele Campeï (dal 70^ Felix Nagler), 8. Micky Frenes (dal 70^ Andreas Verginer), 9. Alex Elzenbaumer, 10. Stefan Sottara – capitan, 11. Daniel Frenes (al 75^ Patrick Miribung)

Proscima partida: *La Val süga en sabeda dales 16:30 a La Val le derby cuntra Al Plan*

Atri resultac:

Juniores Pool (La Val): La Val - Val d'ega 1-1

Aliefs (Al Plan): Mareo - Vahrn 1-4

U-13 (La Val): Val Badia - La Val 8-0

U-10 (La Val): Falzes - La Val 3-2